



Utval: Kommunestyret

Møtestad: Kommunestyresalen, Kommunehuset

Møtedato: 11.04.2019

Møtetid: 18:00 – 20:45

Fylgjande faste medlemmer var til stades:

Navn	Funksjon	Representerer
Halfdan Haugan	Ordførar	AP
Trond Johnsen	Medlem	AP
Jon Svartdal	Varaordførar	H
Eivind Skogheim	Medlem	AP
Hanne Norgaard	Medlem	AP
Mona Helen Haugan	Medlem	AP
Edvard Mæland	Medlem	H
Gunnar Eilefstjønn	Medlem	H
Pia Groven-Robertsen	Medlem	H
Kristian Espeland	Medlem	KRF
John Olav Haugetuft	Medlem	SP
Marianne Vadder	Medlem	SP
Henry Mæland	Medlem	SP
Beate Marie Dahl Eide	Medlem	SP
Lars Bjaadal	Medlem	SP
Peter Fjågesund	Medlem	MDG

Fylgjande medlemmer hadde meldt forfall:

Navn	Funksjon	Representerer
Solveig Sundbø Abrahamsen	MEDL	H
Hallgeir Ofte	MEDL	AP
Mogens Hougaard Iversen	MEDL	FRP
Svein Forberg Liane	MEDL	V
Liv Grethe Ekre	MEDL	SP

Fylgjande varamedlemmer møtte:

Navn	Møtte for	Representerer
Rita Andersen	Hallgeir Ofte	AP
Asbjørn Storrusten	Solveig Sundbø Abrahamsen	H
Håvard Jønnardalen	Liv Grethe Ekre	SP
Borgny Slettemoen Tøfte	Svein Forberg Liane	V
Arnstein Wolden	Mogens Hougaard Iversen	FRP

Til stades frå administrasjonen:

Navn	Stilling
Finn-Arild Bystrøm	Rådmann
Lillian Olsen Opedal	Kommunalsjef
Frid Berge	Kommunalsjef
Even Fossum Svendsen	Kommunalsjef

Andre til stades:

Navn	Representerer
Monica Søyset	Faun Naturforvaltning AS
Gunn Annie Hellestad	Barnevernsamarbeidet i Vest-Telemark

Protokollunderskrifter:

Halfdan Haugan

Henry Mæland

Saksliste

Utvals- saksnr	Innhald	Lukka
	Saker til handsaming	
PS 9/19	Godkjenning av protokoll frå forrige møte	
	Referatsaker	
RS 14/19	Forvaltingsplan Utvalt kulturlandskap Hjartdal og Svartdal	
RS 15/19	Årsmelding 2018 - Barnevernsamarbeidet i Vest-Telemark	
RS 16/19	Modernisering av Telenors infrastruktur	
	Interpellasjon	
FO 3/19	Interpellasjon Peter Fjågesund, Miljøpartiet dei grøne - Miljøkrisa og Seljord kommune	
FO 4/19	Spørsmål til ordførar angående barnevernet i Seljord	
	Saker til handsaming	
PS 10/19	Ny vurdering av framtidig bruk av Heddeli	
PS 11/19	Årsmelding 2018 for kontrollutvalet i Seljord	
PS 12/19	Budsjett prosjekt Opplevingsvegen om Nutheim	

Saker til handsaming

PS 9/19 Godkjenning av protokoll frå forrige møte

Handsaming i Kommunestyret - 11.04.2019

Protokollen frå møtet 14. mars vart samrøystes godkjent.

Vedtak i Kommunestyret - 11.04.2019

Protokollen frå møtet 14. mars er godkjent.

Referatsaker

RS 14/19 Forvaltingsplan Utvalt kulturlandskap Hjartdal og Svartdal

RS 15/19 Årsmelding 2018 - Barnevernsamarbeidet i Vest-Telemark

RS 16/19 Modernisering av Telenors infrastruktur

Interpellasjon

FO 3/19 Interpellasjon Peter Fjågesund, Miljøpartiet dei grøne - Miljøkrisa og Seljord kommune

Handsaming i Kommunestyret - 11.04.2019

Interpellasjon til kommunestyremøtet 11.04.2019 frå Peter Fjågesund, Miljøpartiet Dei Grøne

Tittel: Miljøkrisa og Seljord kommune

Bakgrunn

Seljord, Noreg og verda står i dag midt oppe i ei klimakrise som vert meir dramatisk for kvar dag som går. Erkjenninga av dramatikken i og konsekvensane av denne krisa aukar på same vis frå dag til dag. Dei unge som skal ta over etter oss, både lokalt og globalt, krev rask og radikal handling. Dei finn seg ikkje lenger i at den eldre generasjonen held fram med å utsette avgjerder som skulle ha vore tekne for lenge sidan, og som må til dersom vi saman skal redusere omfanget av den krisa vi alt har kring oss, og som sjølv med det omfanget den har i dag vil gje store og djuptgåande følgjer for alle. Dei som såg Debatten i NRK den 14. mars vart vitne til ei underleg, omsnudd verd: vi fekk sjå 15-, 16- og 17-åringar som fekk middelaldrande og såkalla ansvarlege politikarar til å stå skulerett; dei kravde endring og handling, ikkje etter valet, ikkje om fem eller ti år, men no, med ein gong. Dei har ganske enkelt ikkje tid til å vente, for dei veit at det er dei som vil sitte attende med rekninga når vi har reist oss frå bordet og gått. Sidan har titusenvís av skuleungdommar strøymt ut i gatene, også her i Seljord, og frå Stortinget sin talarstol har dei øvste folkevalde i landet fått høyre frå ein ung og frittalande representant at klimapolitikken Noreg har ført har vore ein flopp, ein påstand ho fekk tilsnakk for av stortingspresidenten.

Miljøpartiet Dei Grøne meiner at det fylgjer minst tre opplagte konsekvensar av den situasjonen vi står i med omsyn til kva vi kan og må gjere:

1)at utfordringa er global, men at kravet til løysingar og tiltak er det same på alle plan, også det lokale. Med andre ord: vi har alle det same ansvaret for å gjere det vi kan for å medverke til ei løysing der vi er;

2)at den kursendringa som må til ikkje kan sameinast med den vekstpolitikken som har styrt den politiske utviklinga i store delar av verda dei siste tiåra. Med andre ord: vi må leite etter og finne lokale, nasjonale og globale løysingar som i sum fører med seg mindre forbruk, som i sin tur er ein føresetnad for eit mindre klimaavtrykk;

3)at vi må sette i gang no, og ikkje i morgon.

Spørsmål:

Er ordføraren einig i at vi alle har det same ansvaret for jorda og miljøet, at vi òg på lokalplan må finne alternative løysingar for å redusere klimaavtrykket, og at situasjonen krev handling no?

Forslag til vedtak:

Kommunestyret vedtek at omsynet til jorda og miljøet si tolegrense skal vere overordna og styrande for alle relevante vedtak i kommunestyret i Seljord.

Avrøysting:

Det blei votera over forslaga. Framlegget frå ordføraren blei sett opp mot Fjågesunds. Fjågesunds forslag fall med 6 mot 15 stemmer.

Vedtak i Kommunestyret - 11.04.2019

Svar på Interpellasjon – Miljøkrisa og Seljord kommune – Peter Fjågesund

Kommunestyret 11.04.19

Interpellasjon tek opp viktig forhold som også gjeld Seljord kommune og ordførar heiar på det det engasjementet som unge også i Seljord har hatt og har på dette område. Det å arbeide for å redusere klimaavtrykket må også Seljord kommune bidra til og dette blir eit viktig punkt som må arbeidast inn i det framtidige planarbeidet.

Til spørsmålet:

Er ordføraren einig i at vi alle har det same ansvaret for jorda og miljøet, at vi òg på lokalplan må finne alternative løysingar for å redusere klimaavtrykket, og at situasjonen krev handling no?

Svar:

Ordførar er samnd med Fjågesund på vi alle har det same ansvaret for jorda og miljøet, at vi òg på lokalplan må finne alternative løysingar for å redusere klimaavtrykket. Dette må me ta med plan arbeidet vårt.

Peter Fjågesund sitt Forslag til vedtak:

Kommunestyret vedtek at omsynet til jorda og miljøet si tolegrense skal vere overordna og styrande for alle relevante vedtak i kommunestyret i Seljord.

Ordførar kan ikkje støtte framlegget men kjem med fyljande framlegg til vedtak:

Seljord kommune må på lik linje med andre arbeide aktivt for å redusere klimaavtrykket. For å få eit globalt resultat må alle bidra i dette arbeidet.

Halfdan Haugan
Ordførar

FO 4/19 Spørsmål til ordførar angående barnevernet i Seljord

Handsaming i Kommunestyret - 11.04.2019

Spørsmål til ordføraren om barnevernet i Seljord, Kommunestyremøte 11.04.2019 frå Beate Marie Dahl Eide (Senterpartiet)

Bakgrunn

Barnevern er ein av dei grunnleggjande tenestene ein kommune skal yte. Det er eit svært viktig og komplekst tenesteområde som heng tett saman med dei andre tenestene i ein kommune, som skule, barnehage, helsestasjon og skulehelseteneste for å nemne noko.

Seljord er ein del av Barnevernssamarbeidet i Vest-Telemark, som i dag er organisert som eit vertskommunesamarbeid der Kviteseid kommune syter for tenesta på dei andre kommunane sine vegner. Det førebyggjande arbeidet med barn si helse og oppvekstvilkår ligg framleis til kvar einskild kommune.

På Kommunebarometeret (KB), som er ei måling som Kommunal Rapport publiserar kvart år der kommunane vert rangert etter ein del nøkkeltall, har Seljord gått frå ein 29. plass i 2016, til 143. plass i 2017, til 235. plass i 2018 når det gjeld barnevern. Ser ein på dei tala vårt eige kommunestyre har fått lagt fram så har det vore ei auke i talet på saker og tiltak dei siste åra, og det har vore ei stor auke i budsjetta. Det vedtekne budsjettet for 2019 er på 7 451 000. Det er ei auke på 1,2 millionar kroner berre frå 2018.

Til kommunestyremøtet i dag er årsrapporten for Barnevernssamarbeidet for 2018 lagt som ei referatsak utan at det føl dokument med. Så langt eg kan sjå var sist gong dette kommunestyret hadde ei eiga sak om barnevernet oppe for 3 år sidan i mai 2016. Då var det nettopp årsrapporten for Barnevernssamarbeidet for 2015 som var lagt fram som ei politisk sak og leiaren i samarbeidet møtte i kommunestyret for å orientere og svare på spørsmål. Etter det har formannskapet hatt ei orientering i 2017.

Eg tillet meg å stille følgande spørsmål til ordføraren:

Korleis vil ordføraren syte for at kommunestyret framover får jamn og god informasjon og aktuelle politiske saker lagt fram om:

- arbeidet som vert gjort gjennom Barnevernssamarbeidet i Vest-Telemark,***
- stoda i barnevernet i Seljord både med tanke på økonomi og saksmengde/type***
- det forebyggjande arbeidet som vert gjort i vår eigen kommune og***
- moglege betringar mellom kommunen sine egne tenester og Barnevernssamarbeidet?***

Svar på spørsmål frå Beate Marie Dahl Eide – Barnevernet i Seljord

Kommunestyret 11.04.19

Seljord og dei andre Vest-Telemark kommunane etablera Barnevernsamarbeidet i Vest-Telemark i 1993 som eit vertskommunesamarbeid der Kviteseid kommune er vertskommune. Dette har vore ein svært god måte og organisere barnevern arbeid på og det fekk i si tid positiv nasjonal merksemd når Vest-Telemark kommunane gjorde dette.

Det har vore ein auke i meldte saker i Seljord kommune i tidsrommet 2016 -2018. Med bakgrunn i dette mottok fleire barn, ungdom og familiar i Seljord kommune tiltak frå barnevernet og kostnaden til barnevern aukar. Dette handlar både om hjelpetiltak som barnevernet gjev til familiar der barna bur heime og tiltak der barn eller ungdom har måtta flytt i fosterheim eller på institusjon. Hovudfokuset til barnevernet er å hjelpe barn, ungdom og familiar i kommunen. Me har dei siste åra hatt ein situasjon der det har vore enkelte familiar, barn og ungdom som har hatt behov for omfattande hjelp. Dersom ein familie har store utfordringar og foreldre ikkje meistarar å gje borna den omsorga og trygghet barnet treng kan barnevernet samarbeide med familien om å ta imot tiltak der familien flyttar inn på foreldre- barninstitusjon. Familien vil då kunne vere på foreldre- barnsenter i ca. 6 månadar. Der vil familien få omfattande hjelp og målet er at det fører til endringar i omsorga til barna slik at barna får ein tilstrekkelig god nok omsorgssituasjon. Når barnevernet må nytte foreldre- barnsenter fører dette med seg store kostnader. Ein familie med ein foreldre og to barn plassert 6 månadar på foreldre- barnsenter vil koste kr 650 600,-.

Når born står utan omsorg eller born og ungdom er situasjonar der dei blir utsett for vold, mishandling, overgrep eller alvorlig omsorgssvikt må barnevernet gripe inn for å beskytte barnet/ungdommen. Me har dei siste to åra hatt situasjonar der born og ungdom i Seljord har måtta fått hjelp av barnevernet i slike situasjonar. Me har måtta flytt ungdom med omfattande utfordringar frå foreldre eller fosterforeldre inn i institusjon eller familieheim og me har hatt born buande i beredskapsheimar som følge av at dei har vore utan omsorg frå foreldre. I 2018 utgjorde desse tiltaka kr 2 440 000,-. Til samanlikning vart det i 2015 bruka kr 384 000,- på tilsvarende tiltak. I 2019 kostar 1 ungdom på institusjon kr 72 290,- pr mnd.

Økonomi:

Når barnevernet lagar budsjett tek dei utgangspunkt i kjende vedtak og tiltak. Dei lager ingen form for buffer og har derfor ingen midlar til eventuelle akutte og nye tiltak. Dei har eit system der dei fyljer endringar i vedtak og tiltak kontinuerleg. Nokon tiltak avsluttast og nye kjem til. Når det kjem endringar eller nye store tiltak som dei ser at dei ikkje vil klare å dekke inn i budsjettet er dei i dialog med kommunen om dette. Tidlegare var denne dialogen direkte med rådmannen. Dei har nå ein dialog med kommunalsjef når slike endringar skjer. I tillegg innkallar barnevernet alle rådmennene i Barnevernssamarbeidet til årleg dialogmøte. Når barnevernet set inn større tiltak lokalt samarbeider dei ofte tett med kommunen på fleire nivå. Dette har dei lang og god erfaring med.

Seljord kommune er den kommunen i Vest-Telemark der det er flest barn, ungdom og familiar som tek i mot hjelp frå barneveret. Pr i dag mottek ca. 30 barn og unge hjelp frå barnevernet. Det har vore ei utvikling i høve utfordrande ungdomsmiljø, men dette opplever vi no er i rett spor. Me har mange tiltak der barnevernet arbeider direkte med endringsarbeid retta mot foreldre og born. Dei nyttar i all hovudsak eigne tilsette som arbeider tett med familieane. I høve statestikk, kommunebarometer og liknande er dette ein krevjande øvelse når vi kjem til kommunar på størrelse med Seljord. Den hjelp ein familie må ha kan føre til store utgifter og får store utslag på for eksempel på kommunebarometeret, dette er viktig å merke seg.

I høve endringar i plasseringa på kommunebarometeret er det enkeltsaker som har ført til denne endringa og som ein ikkje kan gjeva nokon meir detalj informasjon om.

Barnevernsløiar meiner me har god kontroll over barnevernet i Seljord. Dei har gode samarbeidspartar i kommunen og kjenner kommunen godt. I Barnevernssamarbeidet er det lite turn over og der er mange tilsette med lang erfaring. Dei næraste samarbeidspartane dei har er skulane, barnehagane, helsestasjonen og flyktningtenesta. Barnevernssamarbeidet opplever at samarbeidet er bra og fungerer etter hensikten. Seljord har hatt lite resursar knytt til psykisk helse born og unge. Her har kommunen gjort endringar og me merkar dette på ein positiv måte. Det er likevel slik at eg meiner det er meir å hente i høve førebyggjande arbeid. Tidleg innsats er vesentleg. Helsestasjonen i Seljord gjer eit viktig og godt arbeid med tilbodet dei gjev familiar med COS. Ein større tiltakskjede i høve førebyggjande arbeid ville vore eit svært nyttig supplement til det kommunen har i dag og det må ein arbeide for å få til.

Fylkesmannen i Vestfold Telemark har ingen bekymring for barneverntenesta i Vest-Telemark. Dei har gode kontrollsystem utan alvorlege manglar.

Det gjev store utslag i små kommunar når barneverntenesta sett inn omfattande og kostbare tiltak i ein familie. Kostnadane reknast prosentvis og fører av den grunn til store utslag på kommunebarometer og statistikk.

Kommunen har tilsynsansvar for barn som er plassert i fosterheimar i Seljord kommune av andre barneverntenestar. I løpet av eitt år skal eit fosterbarn ha fire tilsyn i heimen. Nokre av desse fosterbarna fekk av ulike grunnar ikkje registrert desse tilsyna innan frist sjølv om besøket hadde funne stad, dette gjev også utslag på målingar.

Informasjon frå Barnevernssamarbeidet i Vest-Telemark til kommunestyret og formannskapet vil bli vidareført.

Førebyggjande arbeid vil vera viktig frametter og administrasjon legg dette fram for politisk handsaming når det er grunnlag for det.

Ordførar er svært trygg på at Barnevernssamarbeidet arbeider godt, har høg kvalitet og gjer ein svært god jobb for dei som treng denne tenesten i kommunen vår.

Halfdan Haugan
Ordførar

Saker til handsaming

PS 10/19 Ny vurdering av framtidig bruk av Heddeli

Rådmannen si tilråding:

Rådmannen rår formannskapet å gjere fyljande vedtak:

Formannskapet rår kommunestyret til å gå vidare med nye planar for Heddeli. Det skal utarbeidast betre kostnadsoverslag som synleggjer eksakte kostnader ved ombygging.

Rådmannen får i oppgåve å fremje ein ny sak som syner dette, samt kva for kommunal husvære og bygg som skal seljast innan sommaren 2019.

Handsaming i Formannskap/økonomiutval - 21.03.2019

Rådmannen bad om å få sin habilitet vurdert, da det står leilegheit for rådmannen i saksframlegget.

Samrøystes vedteke habil.

Rådmannen si tilråding vart samrøystes vedteke med 6 stemmer.

Vedtak i Formannskap/økonomiutval - 21.03.2019

Formannskapet rår kommunestyret til å gå vidare med nye planar for Heddeli. Det skal utarbeidast betre kostnadsoverslag som synleggjer eksakte kostnader ved ombygging.

Rådmannen får i oppgåve å fremje ein ny sak som syner dette, samt kva for kommunal husvære og bygg som skal seljast innan sommaren 2019.

Handsaming i Kommunestyret - 11.04.2019

Framlegg frå Borgny Slettemoen Tøfte (V):

Det er unødvendig å spesifisera kven som skal bu i leilegheitene.

Framlegg frå Eivind Skogheim på vegne av H og Ap:

Det skal utarbeidast betre kostnadsoverslag som synleggjer eksakte kostnader ved ombygging og drift.

Rådmannen får i oppgåve å fremje ei ny sak som syner dette, samt kva for kommunale husvære og bygg som skal seljast innan sommaren 2019.

Borgny Slettemoen Tøfte sitt tilleggsforslag vart samrøystes vedteke.

Eivind Skogheim sitt tilleggsforslag vart samrøystes vedteke.

Rådmannen si tilråding med tillegg frå Tøfte og Skogheim vart samrøystes vedteke.

Vedtak i Kommunestyret - 11.04.2019

Kommunen går vidare med nye planar for Heddeli. Det skal utarbeidast betre kostnadsoverslag som synleggjer eksakte kostnader ved ombygging og drift.

Rådmannen får i oppgave å fremje ei ny sak som syner dette, samt kva for kommunale husvære og bygg som skal seljast innan sommaren 2019. Det er unødvendig å spesifisera kven som skal bu i leilegheitane.

PS 11/19 Årsmelding 2018 for kontrollutvalet i Seljord

Rådmannen si tilråding:

Kommunestyret tek kontrollutvalets årsmelding til vitande.

Handsaming i Kommunestyret - 11.04.2019

Samrøystes vedteke.

Vedtak i Kommunestyret - 11.04.2019

Kommunestyret tek kontrollutvalets årsmelding til vitande.

PS 12/19 Budsjett prosjekt Opplevingsvegen om Nutheim

Rådmannen si tilråding:

Rådmannen rår formannskapet å fatte følgjande vedtak;
Formannskapet rår kommunestyret å fatte følgjande vedtak;
Seljord kommune har akseptert å vera økonomisk koordinator for prosjekt Opplevingsvegen om Nutheim. Kommunen vil utbetale for tiltaka i prosjektet inntil kr 24.000.000,- i åra 2019, 2020 og 2021 dette under føresetnad av at tiltaka er fullfinansiert og utlegga blir betalt av Statens vegvesen Tunellprosjektet, eller andre som har løyvd midlar til prosjektet/ tiltaket.

Handsaming i Formannskap/økonomiutval - 11.04.2019

Samrøystes vedteke.

Vedtak i Formannskap/økonomiutval - 11.04.2019

Formannskapet rår kommunestyret å fatte følgjande vedtak;
Seljord kommune har akseptert å vera økonomisk koordinator for prosjekt Opplevingsvegen om Nutheim. Kommunen vil utbetale for tiltaka i prosjektet inntil kr 24.000.000,- i åra 2019, 2020 og 2021 dette under føresetnad av at tiltaka er fullfinansiert og utlegga blir betalt av Statens vegvesen Tunellprosjektet, eller andre som har løyvd midlar til prosjektet/ tiltaket.

Handsaming i Kommunestyret - 11.04.2019

Samrøystes vedteke.

Vedtak i Kommunestyret - 11.04.2019

Seljord kommune har akseptert å vera økonomisk koordinator for prosjekt Opplevingsvegen om Nutheim. Kommunen vil utbetale for tiltaka i prosjektet inntil kr 24.000.000,- i åra 2019, 2020 og 2021 dette under føresetnad av at tiltaka er fullfinansiert og utlegga blir betalt av Statens vegvesen Tunellprosjektet, eller andre som har løyvd midlar til prosjektet/ tiltaket.

